



Universitätsbibliothek Paderborn

Hierakosophion

Demetrius <Pepagomenus>

Lvtetiae, 1612

xxxi. Ad pituitam siccam.

urn:nbn:de:hbz:466:1-12846

à frigido abstineat. Vel succum cydonij,
aut citrij pomi miscebis cum vino veteri
aut melle, eoque carnem oblitam accipitri
dabis.

Ad pituitam sicciam.

ACCIPITREM pituita arida laborare
cognosces, cum videbis oscitantem,
liquoremque per nares non emittem. Hoc remedium ei auxiliabitur. Vuæ taminiæ, piperis grana septem, folij, quantum
duo digiti capere possunt, caryophylli
grana quinque, nardi spicatae siliquam:
diligenter vnâ contundito, & postquam
vino vetere illius palatum elueris, ex hoc
medicamento capito, quantum duo digiti
capere possunt, eoque palatum ipsius fri-
cato; deinde in sole illum collocato: ad
horam octauam esca ei præbeatur hircina
caro, & sanabitur. Vel mel Atticum, semen
hyoscyami, butyrum subigit, hisque pa-
latum fricato, & pinna nares illius inun-
gito. Alij ipsum ita curant. allium cum
vino veteri contusum naribus infundunt.
Alij cupressi grana septem, semen caprifici,
brassicam conterunt vnâ, & naribus in-
fundunt per triduum, ac sæpe piper adij-
ciunt.